

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

**ДОМ НАРОДА
ПРЕДСТАВНИЧКИ ДОМ**

Савјет националних мањина БиХ



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**DOM NARODA
PREDSTAVNIČKI DOM / ZASTUPNIČKI DOM**

Vijeće nacionalnih manjina BiH

Broj: 05/7-39-1-245-43,9/26
Sarajevo, 2. 7. 2026.

**PARLAMENTARNA SKUPŠTINA BOSNE I HERCEGOVINE
DOM NARODA
PREDSTAVNIČKI DOM**

PREDSJEDNIŠTVO BOSNE I HERCEGOVINE

VIJEĆE MINISTARA BOSNE I HERCEGOVINE

**PARLAMENT FEDERACIJE BOSNE I HERCEGOVINE
DOM NARODA
PREDSTAVNIČKI DOM**

**NARODNA SKUPŠTINA
REPUBLIKE SRPSKE**

PREDSJEDNIK FEDERACIJE BOSNE I HERCEGOVINE

PREDSJEDNIK REPUBLIKE SRPSKE

SKUPŠTINA BRČKO DISTRIKTA BOSNE I HERCEGOVINE

GRADONAČELNIK BRČKO DISTRIKTA BOSNE I HERCEGOVINE

**CENTRALNA IZBORNA KOMISIJA
BOSNE I HERCEGOVINE**

**INSTITUCIJA OMBUDSMENA
ZA LJUDSKA PRAVA BiH**

ZAJEDNIČKA KOMISIJA ZA LJUDSKA PRAVA PSBiH

MINISTARSTVO ZA LJUDSKA PRAVA I IZBJEGLICE BOSNE I HERCEGOVINE

MINISTARSTVO PRAVDE BOSNE I HERCEGOVINE

MISIJA OSCE-a U BOSNI I HERCEGOVINI

OHR – URED VISOKOG PREDSTAVNIKA

UPRAVNI ODBOR VIJEĆA ZA PROVOĐENJE MIRA – PIC

DELEGACIJA EVROPSKE UNIJE U BOSNI I HERCEGOVINI

VIJEĆE EVROPE - URED U SARAJEVU

UNRCO - URED REZIDENTNE KOORDINATORICE

UNDP - URED U SARAJEVU

Predmet: Zaključci s 2. konferencije nacionalnih manjina u Bosni i Hercegovini,
dostavlja se

Poštovani,

Vijeće nacionalnih manjina BiH, u saradnji s Misijom OSCE-a u BiH, održalo je 30. juna 2026. godine u zgradi Parlamentarne skupštine BiH u Sarajevu 2. konferenciju nacionalnih manjina u BiH pod nazivom: „Izmjene Izbornog zakona i politička participacija predstavnika nacionalnih manjina na entitetskom i kantonalnom nivou vlasti u BiH“.

Cilj Konferencije bio je pokretanje dijaloga s relevantnim institucijama, stručnom javnošću, međunarodnim organizacijama i pravnim ekspertima o inicijativi za izmjenu Izbornog zakona BiH. Navedene izmjene usmjerene su ka uklanjanju postojećih ustavnih i zakonskih ograničenja, te osiguravanju ravnopravnog političkog učešća predstavnika nacionalnih manjina u zakonodavnim tijelima vlasti.

Tokom Konferencije rad se odvijao u okviru dva tematska panela:

1. *Pravni okvir: izazovi i perspektive / unapređenje izbornog zakonodavstva i zaštita manjinskih prava*
2. *Politička volja i modeli participacije / mehanizmi političkog predstavljanja nacionalnih manjina.*

Konferencija je pružila priliku članovima Vijeća nacionalnih manjina BiH da pokrenu inicijativu za izmjenu Izbornog zakona s ciljem usklađivanja domaćeg zakonodavstva s evropskim standardima. Time se nastoje riješiti sistemske prepreke i nedostatak institucionalnih mehanizama koji bi garantirali adekvatnu političku zastupljenost na entitetskom i kantonalnom nivou vlasti.

Vijeće nacionalnih manjina BiH donijelo je sljedeće zaključke:

1. Vijeće nacionalnih manjina BiH konstatira da je Konferencija o temi: „Izmjene Izbornog zakona BiH i politička participacija predstavnika nacionalnih manjina na entitetskom i kantonalnom nivou vlasti u BiH“ uspješno organizirana, kao i da su

panelisti Konferencije veoma dobro odgovorili na postavljene teme i osvijetlili probleme, izazove i prepreke u vezi s učešćem predstavnika nacionalnih manjina u kantonalnim i entitetskim institucijama vlasti.

2. Vijeće nacionalnih manjina BiH smatra da je potrebno izmijeniti Izborni zakon BiH u pravcu uklanjanja postojećih zakonskih ograničenja te osiguravanja ravnopravnog političkog učešća nacionalnih manjina u institucijama na državnom, entitetskom i kantonalnom nivou vlasti. Također, smatramo da je potrebno ukloniti administrativne prepreke kako bi se omogućilo stvarno učešće predstavnika nacionalnih manjina u procesima donošenja odluka.
3. Vijeće nacionalnih manjina BiH ističe potrebu da se u institucijama na državnom, entitetskom i kantonalnom nivou, izmjenom zakonskih propisa, osigura mehanizam garantiranih mandata i kvota za predstavnike nacionalnih manjina u zakonodavnim tijelima vlasti.
4. Vijeće nacionalnih manjina BiH zaključuje da je na svim nivoima vlasti potrebno uskladiti propise s evropskim standardima i provesti preporuke OSCE-a, Venecijanske komisije i Evropskog suda za ljudska prava, a koje se odnose na uklanjanje elemenata diskriminacije pripadnika nacionalnih manjina iz Ustava i Izbornog zakona BiH.
5. Vijeće nacionalnih manjina BiH smatra neophodnim da se uspostavi jasna definicija pojmova „pripadnik nacionalne manjine“ i „nacionalno neopredijeljeni (ostali)“, u skladu sa Zakonom o zaštiti prava pripadnika nacionalnih manjina BiH.
6. Vijeće nacionalnih manjina BiH uputit će ove zaključke svim nadležnim domaćim i međunarodnim institucijama koje se bave pitanjima zaštite ljudskih prava i prava pripadnika nacionalnih manjina.

S poštovanjem,

Predsjedavajući Vijeća nacionalnih manjina BiH

Mujo Fafulić

Dostaviti:

- naslovu
- a/a